



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. Unicus. An Juddex in causa possessionis, vel proprietatis procedere ad
definitivam altera parte non auditâ?

[urn:nbn:de:hbz:466:1-73001](#)

debeat; quia nihil habet commune proprietas cum possessione; immo longè separata est una ab alia, *L. naturaliter* 12. §. *nihil commune*, *ff. de acquir. possess.* *L. si duo* 3. §. *fin. ff. uti possid.* unde ille, qui succubuit in causa possessionis, de proprietate agens auditur, nec exceptione rei judicatae repellitur, *L. & an eadem* 14. §. *fin. de except. rei judic.* igitur quia nulla continentia causæ inter possessionem, & proprietatem datur. 2. quod (ut habetur *L. si de proprietate*, *C. si à non competenti Judice*) Judex datus in causa possessionis non pronuntiaverit in causa proprietatis, sed Praeses Provinciae: Nam respondetur, verum esse, quod Dominium, & possessio (sumpta pro rei apprehensione, animo sibi habendi) separari possint, & in multis differant; ex hoc tamen non recte dici, quod possessio nihil commune, vel connexionis habeat cum proprietate; causa enim possessionis est preparatoria, & præambula causæ proprietatis, *L. si de vi* 23. *ff. de judic.* quia non potest constare petitorum judicium, nisi prius liqueat, penes quem sit possessio, ut probatio exigatur ab ea parte, quæ non possidet, *L. qui petitorio*, 37. *ff. de R. V. L. exitus*, 35. *ff. de acquir. possess.* & id postulat juris ratio, *L. Ordinarii*, *C. de R. V. L. incerti*, *C. de interdictis*, *L. fin. C. quorum bonor.* interest enim maximè ad obtinendum in petitorio judicio, rei possessionem nancisci, *L. is*, *qui destinavit* 25. *ff. de R. V. L. fin. C. eod. Q. retinenda, insit. de interdict.*

1160. Hujus ulterior ratio est; quia possessio, & proprietas rei sunt duæ qualitates, quæ versantur circa eandem rem, quæ in se continet tam possessionem, quam proprietatem; & ideo, ne illa continentia dividatur, contra regulam textus in *L. nulli*, *C. de judic.* ab eodem Judice terminari debet. Accedit, quod Judex, qui cognovit de possessione, facilius terminabit causam proprietatis, tanquam magis in ea instructus; & ita consulitur litium brevitat, juxta c. *fin. de dolo*, & contum. litigantiumque laboribus, & expensis parcitur, *c. fin. de rescript. in 6.* & ex hoc patet ad 1. negatur enim, non subsistere rationem, ex qua procedit regula, quod causa possessionis, & proprietatis tractanda sit coram eodem Judice, saltem in casu, quo litigantes non sunt omnino diversi fori. Ad 2. Resp.

ex *L. si de proprietate*, solùm dici, quod, si delegatus super causa proprietatis, pronuntiavit super possessione, is, qui succubuit in possessorio, adhuc agere possit petitorio, quod non negatur; quamvis quandòque per accidens separantur, ob causam rationabilem, & justam, v. g. quod documenta probationum longius petenda, facilius v. g. Præsidem Provinciae, & haberí, & produci possint, vel etiam alio titulo, ut notavimus superius à n. 289.

Dixi n. 1158. causam possessionis, & proprietatis regulariter tractandam esse coram eodem Judice; nam 1. hoc fallit, quando litigantes sunt omnino diversi fori; unde, tametsi Clericus coram Judice seculari conveniat Laicum in alterutra causa; coram eodem tamen à Laico reconveniri non poterit. 1. in causa spirituali, vel spiritualibus annexa, ut ostendimus à n. 532. *supr.* 2. probabilius, nec in causis civilibus, *ibid.* à n. 534. & 550. fallit etiam ex titulo continentia causarum, ut diximus à n. 289. fallit 3. etiamsi contrarium dicatur fundatum in prorogatione jurisdictionis; ea enim prorogatio jurisdictionis in Judice Laico, relatè ad Clericos, fieri non potest ex dict. à numer. 303. & seqq.

Q. Unicus.

An Judex in causa possessionis, vel proprietatis procedere ad definitivam, altera parte non audiatur?

DEHACE re agimus ex professo infra; tit. 27. de sentent. & re judicat. &, ut ibidem ostendimus, opinio affirmans, contra jus naturale venit; prout etiam colligitur ex Clement. *Pastoralis* 2. *eod. §. ceterum*, ubi dicitur, quod nec Supremo Principi contra non citatum, consequenter non auditum, definitivè procedere licet, aut ea tollere, quæ juris naturalis existunt; nam jure naturali, agentium, cuiilibet debita est potestas justæ defensionis; de quo plura infra.

Tametsi autem hoc ita se habeat; limitatur tamen communiter, ut non procedat, quando notorium est, Reo nullam esse omnino

omnino viam ullâ tergiversatione, vel titulo justæ defensionis, delicto, vel causâ, in qua vel accusatus, vel conventus est, ullum habere medium evadendi debitum; limitatur 2. nisi Reus, etiam citatus, contumaciter absit, de quo V. infra in lit. de sentent. & re judicat.

1164. Difficultas est, an mandata, quæ subinde Judices mittunt parti, continentia, quæ decreta sunt, obligent ad eorum executionem? ante resolut. not. ejusmodi mandata *judicialia*, seu *monitoria*, dici *literas Judicium executivas*, quibus ad instantiam partis (vel propter periculum in mota; vel celeriorem expeditionem causæ) Judex ex officio, etiam ante citationem, jubet alterum aliquid facere, vel omittere (v. g. desistere à turbatione possessoris; vel ab *injusta possessione*, vel ab inferenda vi; &c.) idquæ cum, vel sub comminatione alicujus poenæ.

1165. Not. 2. hæc *mandata* esse in dupli classe, nimirum *cum*, vel *sine clausula justificatoria*; cum hac clausula sunt, quæ quidem etiam sub poena jubent aliquid fieri, vel omitti, relictâ tamen potestate, ut intra terminum præfixum is, cui sic mandatum est, si gravatum se sentiat, *justificationem* afferat, hoc est, causas, & rationes, propter quas videatur, mandato non deferendum, aliquin sive compareat, sive non, in talem pœnam incidat, nisi mandatum executus fuerit: quando autem mandatum, per quod aliquid sub certa pœna fieri præcipitur, ita sit, ut tamen parti, contra quam diriguntur, non relinquatur potestas *justificandi* causam, seu rationes afferendi, cur mandato parere non debat, sed tantum afferendi rationes, cur declaratio pœnæ incurſæ fieri, non debeat; dicitur *mandatum sine clausula justificatoria*.

1166. Not. 3. si Mandatarius, cum clausula justificatoria, causas relevantes, cur tale mandatum cassari debeat, Judici non probaverit; tum prius illud mandatum non revocari, sed firmum manere; sicut & pœnam decretam, nisi paruerit intra terminum, vel antea ipsi præfixum, vel tune de novo præfigendum: sin autem pars rationes suas justificaverit coram Judice, tum revocari mandatum, & ipsum absolvi; sic Andr. Gail. l. 1. observ. 19. & num. 2. Not. 4. mandato sine clau-

sula justificatoria communiter etiam addi & hanc clausulam: *in sapere vocamus vos, ac peremptoriè citamus ad diem 20. Septembris, in quo compareatis, de prædicta partitione, & obedientia fidem faciunt: sive autem mandato paritum non sit, ut appareat, ac declaretur, vos in pœnam incidisse, aut relevantes causas afferratis, quare ad declarationem pœna procedendum non sit; sed hoc intellige, quando est de aliquo faciendo; nam si est de emittendo (v. g. inhibendo aliquam rationem) non requiritur citatio ad ostendendam partitionem, & obedientiam: sed postquam mandato contumaciter contraventum fuerit; tum demum citationi locus est, ad videndum, & declarandum pœnam mandati incurſam esse; quibus positis:*

Quæstio est, an ejusmodi mandata judicialia, seu monitoria, *sine clausula justificatoria* jure valeant, & obligent Mandatarium ad executionem? Resp. talia mandata sine clausula justificatoria regulariter esse irrita, & nulla; consequenter enim, ad quem transmittuntur, non obligari ad eorum executionem. 1. quia regulariter causæ cognitione præmittenda est; consequenter citatio; ne judicium incipiat ab executione, contra L. *Nimis propter*. 1. C. de executione rei *judicat*: ibi: *nimis propere* *Judex pignora Marcellæ capi*, ac distrahi *jussit ante rem* *judicatam*. *Prius est ergo, ut servato ordine, actionem* *adversus eam* *dirigas, & causa cognita* *sentiens accipias*; quod etiam habetur L. *nec quicquam 9. Q. ubi decretum 1. ff. de offic. Pro - Consulis*, ibi: *ubi decretum necessarium est, per libellum id expedire* *pro consul non poterit: omnia enim, quæcumque* *causa cognitionem desiderant, per libellum non possunt expediri*. Hujus ulterior ratio est, quia si valerent ejusmodi mandata sine clausula justificationis (extra casus infra ponendos) nitium quantum laxaretur Judicibus potestas, ordinem judiciarium supprimendi, jurisdictionem suam citra omne fas in plus, & plus porrigiendi, & in pœnis, præsertim pecuniarioris, avaritiæ suæ velificandi, non raro promptioribus ad hæc lucra, quam justitiæ tutelam.

Quarebatur aliquando de tali decreto in hoc casu. Titius Cæsareo privilegio

Oo

Scho-

ARTICULUS III.

*An causa possessionis, & proprietatis
in eodem judicio cùmulari va-
leant?*

Scholarium tam in causis civilibus, quam
criminalibus gravioribus exemptus à juris-
dictione aliorum Judicium, & soli Rectori
Academæ vel Gymnasi subiectus, injusto
aggressore stricto gladio sine ulla data cau-
sa contra se veniente, ut se tueretur, vul-
nerato non lethaliter, primum à sua in-
stantia citatus; sub hoc autem ab alia (quæ
credebat causam sui fori esse, licet sciret
Cæsaris privilegium) verbali arresto domi-
sus detentus, stitit se primæ instantiæ jus-
su ejus, cuius disciplinæ suberat. Cùm hæc
instantia id intellexisset, à prima instantia
Titium sibi personaliter sibi mandavit; &
non obstante, quod fori declinatio, & pri-
vilegii eximentis cum ab ipsis jurisdi-
ctione teneat opponeretur, mandatum si-
ne clausula justificatoria, sive petitione ed-
dendi privilegium, sub poena gravis sum-
ma pecuniariæ cum executione proximâ
ad Judicem primæ instantiæ transmisit;
quæstum igitur fuit, an tale mandatum
teneret?

1169. Multi, super hoc consulti, merito cen-
suérunt, fuisse, ac esse omnino irritum, &
nullum ex multis capitibus; primò, quia
mandans processit sine ulla causæ cogni-
tione, ac parte, cui mandaverat, non audi-
tā; 2. quia usurpabat sibi jurisdictionem
in primam instantiam quoad suam; &
subditi personam exemptam ab ejus juris-
dictione, consequenter mandavit ei, cui
mandandi potestate carebat; 3. quia, cùm
sæpius tales jurisdictionis usurpationes
contra clarum tenorem privilegii Cæsarei
exercitæ fuissent, lite super hoc apud Cæ-
sarem actu pendente, eandem usurpatio-
nem attentavit; 4. quia licet causa mixta
fori esset, à Judice primæ instantiæ legiti-
mè præventus fuit: 5. quia in propria
causa (an ipsi competenter jurisdictione in di-
ctis causis Scholarium, licet privilegium
id eiclare neget) sententiam dixit, & con-
tra inauditum mandatum penale sine
clausula justificatoria fulminavit, & sta-
tim ab executione mentem suam (judici-
ariam!) inchoare voluit; id, quod cum
cit. supra legibus nullatenus cohæret, plu-
ribus iurium peritis rem impro-
bantibus.



1172
In ordine ad hanc quæstionem serviunt
duæ Sactorum Canonum Decisiones;
prima habetur in c. ad ultimum 2. b. t. ubi
habetur sequens casus: Titius agebat con-
tra Cajum in causa possessionis *adipiscen-
da*, & simul petitorum administrabat, di-
cens, & probate paratus, sibi jūs proprie-
tatis competere; Papa utramque causam
possessorii, & petitorii Judicibus delega-
vit; ij, ut parcerent partium sumptibus,
& expensis, allegationes, & testimoniū depo-
sitiones super utrōque judicio permixtū
exceperunt; sed, cùm viderent, testimoniū
super petitorio esse magis intricata-
ta, visum fuit, ut prius, examinatis testimoniū
possessorio, secundūm eās pronuntiarent, postea vero resumerent
causam petitorio. Quærebant, num id
facere potuerint? respondit Cœlestinus
III. *recte ita procedi, cùm jure civili id ex-
pressum reperiatur.* Altera habetur in c.
cùm dilectus 6. eod. ubi dicitur, quod, si sim-
ilis judicio possessorio, ac petitorio actum
fuit, utrumque unā sententiā terminari de-
beat, tametsi vero ea ita formanda sit, ut
de possessione prius pronuntietur, tamen in
executione proprietas prævalere de-
beat.

Pro expositione not. duobus modis ju-
dicium possessorium posse concurrerē. 1.
ex parte Actoris, ut simul in eodem libel-
lo, & actione cunctulentur, seu conjungan-
tur; 2. ut in eodem judicio concurrant,
non ex parte unius, sed sejunctim, videlicet,
ut Auctore petente possessionem, Reus
opponat proprietatem, dicens, se Domini-
num esse. Primo modo cunctulati non
possunt, si agatur interdicto *relinenda*; sic
enim Actor fateretur, se habere ei posses-
sionem; non igitur aptè petit eam sibi da-
ti, vel restitui; sic Layman in c. 2. b. t. n.
2. quod magis constabit ex n. 1 178. ubi
aliquid limitationes affententur. Cumu-
lari tamen posse videntur in interdicto *ad-
piscendæ, & recuperandæ*; nimirum agen-
do contra illum, qui rem sibi arro-
gat jure possessionis, & proprietatis;
vel cùm ab alio vi dejectus fuit.
In